

www.privels-natira.ch – il portal d'avertiment dals posts spezialisads da la Confederaziun

Il portal d'internet www.privels-natira.ch è vegni lantschà cuminaivilmain da tut ils posts spezialisads da la **Confederaziun per privels da la natira e stat a disposizion dapi il 2014**. Eveniments chaschunads da privels da la natira n'èn da princip betg evitabels. Cun mesiras adattadas sa laschan dentant reducir las consequenzas d'eveniments da la natira per ils umans, per ils edifizis e per l'ambient.

En cas d'in eveniment emprovan las autoritads responsablas da far tut per minimar uschè bain sco pussaivel las consequenzas per ils umans e per las valurs materialas. Ma igl è er fitg impurtant che la populaziun sa cumporbia en moda correcta areguard l'eveniment da la natira e sias

consequenzas. En cas d'eveniments chaschunads da privels da la natira, ma er en cas d'autras catastrofas e situaziuns d'urgenza èsi central che mintga singula e singul saja abel da prestar agid a sasez ed agid spontan. Mintgina e mintgin sto perquai esser en cas da proteger sasez fin ad itschert grad.

Las mesiras da preventiun avant, las mesiras da dumogn durant e las mesiras da reparaziun suenter eveniments chaschunads da privels da la natira sa differenzieschan tut tenor il tip da privel. Perquai cumpiglia il portal recumandaziuns da cumporment specificas en cas da vent, urizis, plievgia, auas grondas, vías glischas, schelira, naiv, lavinas, chalira, incendis da guaud, moviments da massa e terratrembel.

Vent

Vent è in moviment d'aria en l'atmosfera ch'è principalmain drizzà en direzioni orizontala.

Vents resultan pervia da differenzias en la pressiun da l'aria tranter massas d'aria da differenta temperatura. L'aria sa moveva davent da la pressiun pli alta (zona da pressiun alta) a la pressiun pli bassa (zona da pressiun bassa), fin che la pressiun da l'aria è sa gulivada.

En Svizra datti sin grondas surfatschas il pli savens vent dal vest, bisa e favugna.


Urizis

In urizi è in fenomen meteorologic complex. Tratgs caratteristics d'urizis èn la stgariadas electricas (chametgs) ed il tun che suonda lura. Premissas per in urizi èn avunda umiditat ed aria che s'aua svelt, per exemplu perquai ch'ella è vegnidastgauada fermamain. Entaifer in nivel d'urizi (cumulonimbus) datti savens vents ascendents e descendents ed uschia turbulenzas.

Ils fenomens meteorologics privlus d'in urizi èn chametgs, fermas precipitaziuns (uradis, granella u l'enviern er naiv) sco er bufs per part fitg ferms che pon cuntanscher la fermezza d'orcans.

Plievgia

La plievgia è la furma da precipitaziuns liquidas or da niveis la pli frequenta.



Pagina d'entrada dal portal da privels.



Vias glischas, schelira, naiv e lavinas – in dals numerus champs che vegnan resguardads en il portal da la Confederaziun.

FOTO: RAINER STURM / PIXELIO

Guttins en suspensiun en ils niveis creischan e daventan guts pli gronds e crodan lura giu sin terra pervia da la gravitaziun.

Plievgias intensivas laschan crescher svelt ils auals e flums; regionalmain poi dar gia entaifer curt temp inundaziuns e da spundas stippas pon vegnir giu bovas. En cas d'ina plievgia ferma ston ins perquai adina far attenziun al liber, en special en la vischinanza d'auas e sin spundas, ma er en il traffic sin via.

Auas grondas

Aua gronda è in stadi, nua che territoris – ch'èn normalmain al sitg – vegnan inundads da l'aua.

Auas grondas (aut nivel da l'aua da lais, auals e flums) ed inundaziuns (auas che van suror las rivas) datti tranter auer, sche lais sco er auals e flums mainan blera aua, sch'i defluescha blera aua suenter ina ferma precipitaziun (plievgia, naiv) e/u suenter ina ferma marschauna uschia sch'igl arriva dapli aua sutterrana che usità a la surfatscha da la terra (p.ex. funtaunas).

Auas grondas en ils lais duran per il solit pli ditg, han per regla dentant ina forza destructiva main directa che auals che van suror. Auals che van suror han per il solit grondas sveltezzas e pon uschia entaifer curt temp chaschunar donns enorms.

Vias glischas

Vias glischas resultan d'ina cumbinaziun da fradaglia e d'umiditat. Ils avertimenti per vias glischas sa refereschan cunzunt al

stadi da las vias. Differenzias vegnan ils sustants privels: vias glischas da naiv (naiv schelada sin las vias); vias glischas da glatsch (vias bletschas che schelan la notg en cas da tschiel serain); glatsch viv (plievgia u pluschignadas che sa transforman en glatsch).

Da resguardar: Per territoris sur 800 meters sur mar na vegnan publitgadas naivs avertimenti da vias glischas da glatsch u da naiv.

Schelira

Schelira dal terren vul dir che la temperatura en la vischinanza dal terren (mesirada 5 cm sur il funs natural) po sa sbasar fin al punct da schelira (0°) u pli bass. Avertimenti da schelira dal terren vegnan publitgadas mo durant ils mais chauds e mo per regius bassas (sut 600 m). Naturalmain schela il terren er durant l'enviern. Cunquai che quai n'è dentant nagut extraordinari durant quella stagiuun, na dovrà er naivs avertimenti.

Ina schelira dal terren po far donns vi da plantas e culturas ed er impedir l'economia da construziun. Facturs decisivs èn la temperatura minimala durant la notg, il grad da nivlusadad sco er il vent.

Naiv

Naiv è la furma la pli frequenta da precipitaziuns cumpactas e consista da blers cristals da glatsch fins. Quels sa furman tar temperaturas da main che -4°C e crodan giu sin terra, sche la sveltezza da crudada, la temperatura e l'umiditat sut il nivel n'als laschan betg luar u svapur.

Navaglias pon impedir fermamain il traffic, en spezial il traffic sin via. Cun l'auto ston ins perquai charrar cun precauziun speziala e mo cun l'equipament d'enviern correspondent. Ma er sco peduna u pedun ston ins far attenziun al liber en cas da navaglias, perquai che roms pudessan rumper giu e plantas pudessan cupitgar sut la chargia da la naiv. Per impedir che naiv crodia giu dals tetgs e ch'ils tetgs vegnian donnegiads, duess la naiv vegnir allontanada dals tetgs.

Lavinas

Lavinas èn in dals gronds privels da la natira en il territori alpin. Lavinas pon tuigtar chasas, abitadis e vias da traffic, ma er persunas che fan sport d'enviern.

Lavinas èn massas da naiv che glischnan u crodan giu. Ellas resultan tras instabilitads en la cuverta da naiv e sa distatgan per il solit en il terren spundiv. En cas da navaglias intensivas, da ferm vent u d'in augment marcant da la temperatura vegnan lavinas giu pli tgunsch. Lavinas pon vegnir giu spontanamain (vul dir senza l'influenza d'umans) u vegnir messas en moviment da persunas. 90 pertschent da tut las victimas da lavinas han distatgà sez lur lavina. En abitadis e sin vias da traffic procura las autoritads localas per la segreza da la populaziun. Persunas che fan sport d'enviern e che sa movan ordaifer las pistas, las loipas e las sendas da viandar avertas e.u.v., èn sezzas responsablas per lor segreza.

Chalira

Co che la chalira vegn resentida, dependa dals sustants parameters meteorologics: temperatura da l'aria, irradiazion dal solegl, umiditat relativa da l'aria, vent. Chalira po vegnir defini sco in ressentiment dischageabel, sche la temperatura da l'aria è memia auta. In'unda da chalira è ina perioda da chalira extrema che po periclitara la sanadad dals umans. Perquai che la chalira vegn supportada meglier, sche l'umiditat relativa da l'aria è bassa, sa basan ils avertimenti da chalira da MeteoSvizra sin ina valur calculada a maun da la temperatura e da l'umiditat relativa: l'uschenumà «heat index» (HI).

En Svizra resultan undas da chalira per il solit en connex cun ina situaziun da pressiun auta e cun vents nà dal sid fin dal sidvest, uschia che aria chuda e sitga vegn manada al territori alpin.

Movimenti da massa

Sbuvidas: D'ina sbuvada vegni discurrì, sche secturs da la spunda, che consistan da grip e/u da crappa lucca, glischnan giu. Sbuvidas veglias calmas pon puspe daventar activas, e quai plaua a plaua u er andetgama. Ina furma speziala da sbuvadas èn sbuvaditschs da glitta e gleira. Per il solit vegnan els mess en moviment tras plievgia intensiva. La maschaidà da crappa lucca e blera aua curra giu svelt e n'è betg chanalisada. Sin spundas stippas pon tals sbuvaditschs perquai eser spezialmain privlus.

Bovas: Cuntrari a sbuvadas sa mussan bovas per il solit en in curs d'aua stip, sco per exemplu en in torrent. La lavina da glitta che sa cumpona d'aua, da glera ed eventualmain da bists da plantas po vegnir fitg svelt a val. En la planira sa ferma la bova. Ses material resta enavos là.

Crudada da crappa: Da crudada da crappa vegni discurrì, sche singuls craps u blocs da grips crodan giu. Ils craps ed ils blocs da grips sa ferman per il solit sch'ina spunda è main stippa che 30 grads. Plantas resp. il guaud pon reducir fermamain la vehemenza dals craps e dals blocs da grips.

Incendis da guaud

Ins po partir dal fatg che circa 90 percentschent dals incendis da guaud resultan tras in fauss cumporment dals umans (stumbels da cigarettas bittads davent, fieus da gril betg stizzads dal tuttafatg e.u.v.), cunquai che mo 10 percentschent vegnan chaschunads da la natira (chametgs).

In privel d'incendis da guaud exisita durant e suenter enviers cun pauca naiv, sch'igl è ditg sitg, en cas da lunghas periodas da chalira la stad e sch'i suffa er anc fermamain (p.ex. favugna). Quests vents pon setgentar fermamain las plantas, las chaglias ed il terren dal guaud.

En Svizra datti cunzunt incendis da guaud sin pitschnas surfatschas. Periclitads èn principalmain il Vallais, il Grischun, il Tessin sco er las vals da favugna. Umans èn darar periclitads tras incendis da guaud, perquai che la legislaziun svizra na permetta nagins edifizis d'abitare en il guaud.

Terratrembel

Terratrembel datti, perquai che la tensiun per lung da rupturas en la crusta da la terra sa stgorgia andetgama. Perquai che las plattas tectonicas èn permanenta main en moviment, sa furma en las streas das da crap ina tensiun da tuttas duas varts d'ina ruptura. Sche questa tensiun è gronda avunda, sa stgorgia ella cun in moviment andetg e brusc. L'energia seismiche vegn libra sa derasa en furma d'undas tras la terra e per lung da la surfatscha da la terra e chaschuna las vibrasiuns che vegnan percepidas sco terratrembel.

Recumandaziuns generalas da cumporment

Sch'in eveniment ha lieu actualmain, ston en mintga cas vegnir suandas las instrucziuns da las autoritads localas dal lieu correspondent. Sur il radio, la television e l'internet pon ins s'infurmardavart la situaziun da privel actuala e resguardar il avvertimenti ed ils signals d'alarm. Sch'ins sa chatta en ina miseria acuta, èsi da telefonar al numer d'urgenza 112. Per esser preparà en general sin in eveniment chaschunà da privels da la natira vegnan recumandadas intginas mesiras simplas:

As infurmardavart il potenzial da privel general en Voss lieu da domicile e da lavour. Las chartas chantunadas da privels infurmescan en chaussa.

Hajas a disposizion ils numers da telefonon d'urgenza ils pli impurtants.

Endrizzai ina provisiun d'urgenza (en cas d'evenimenti chaschunads da privels da la natira na po il provediment cun victimalias e cun aua betg vegnir garanti en mintga cas).

Hajas a disposizion in'apoteca da chasa.

Guardai almain ina giada per onn, sche Voss edifizi ha eventuais donnas e controllai las fixaziuns da las antennas, dals implants solars, da las antennas parabolicas, da las storas e.u.v. sco er la stabilitad da penslas e d'avantcorps.

Coordinaziun dals avertimenti

Differents posts spezialisads federais survegliant cintinuadament la situaziun da privels da la natira ed èn responsablos per emetter avertimenti correspondents en cas da privels smanatschans. Las competencias èn regladass sco suonda: evenimenti privlus da l'aura: Uffizi federal per meteorologia e climatologia (MeteoSvizra); auas grondas e sbuvadas che resultan qua tras: Uffizi federal d'ambient (UFAM); incendis da guaud: Uffizi federal d'ambient (UFAM); lavinas: WSL Institut per la perscrutaziun da la naiv e da las lavinas SLF; annunziaas da terratrembel: Servetsch seismologic svizzer (SSS) da la Scola politecnica federala Turitg.

Ils singuls posts spezialisads coordinatech lan avertimenti ed utiliseschan ina scala da tschintg niveis per tut ils privels. Sch'in eveniment pertutga plirs posts spezialisads, vegnan publitgadas avertimenti cuminalves che sa basan sin in giudicament general da la situaziun da privel (princip da la «vusch uffiziala unicà»). Las coordinaziuns tecnicas tranter ils posts spezialisads federais per privels da la natira han lieu en il Stab spezialisads Privels da la natira.

La preschentaziun:

Portal dals privels da la natira da la Confederaziun (www.privels-natira.ch)

Dapli infurmaziuns:

chatta.ch/?hiid=3743
www.chatta.ch